



UNIVERSITÄTS-
BIBLIOTHEK
PADERBORN

Jacobi Alvarez de Paz Opera

De Exterminatione Mali, Et Promotione boni - Libri quinque

Álvarez de Paz, Jacobo

Lvgdvni, 1613

Oratio Pro Obedientia.

[urn:nbn:de:hbz:466:1-77843](https://nbn-resolving.org/urn:nbn:de:hbz:466:1-77843)



ORATIO PRO OBEDIENTIA.

DOMINE Deus meus, rex, & creator meus, qui ab humano genere offensus, & ad indignationem prouocatus, voluisti unigeniti filij tui, ac redemptoris nostri Iesu Christi obedientia placari, & nobis per eandem obedientiam remedium malorum omnium, perfectamque salutem asserre: qui que purissimos Angelos ab impuris demonibus obedientia secreuisti, & sanctos ac dilectos tuos ab iniquis & tibi exosis subiectione separasti: da nobis, rogamus supplices, obedientia virtutem, qua & filio tuo similes, & Angelorum ac Sanctorum imitatores efficiamur. Obedientia nos, Domine, a cæno peccatorum, & vilitate iniquitatum extrahat: obedientia sanctissimæ legis tuæ observatores reddat: hæc tibi voluntatem nostram, iudicium nostrum, vires nostras, membraque subiiciat, ut tibi, cuius toti sumus, nos dicemus, ac consecremus, & rapinam in holocausto, quæ summa est iniquitas, fugiamus. Sit nobis, ô pater amantissime, obedientia cibus quo sustentemur: sit obedientia, potus quo recreemur: sit obedientia, vestis nuptialis, & stola gloriæ, & honoris, qua tegamur: ut accedentes ad te cooperti vestibus fratris nostri maioris IESU, valde bonis, sit odor noster velut odor agri pleni virtutibus, cui tu Domine benedixisti, à teque, qui obedientium præmiator es, æternam benedictionem promereamur. AMEN.

Deo Iesu Christo Æterni Patris coæterno Filio sit gloria
& honor in omnem æternitatem.
Amen.

FINIS HVIVS TOMI II.



